



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-336/20

Datum: 20.10.2020. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci roba – računarske opreme za potrebe Tužilaštva – Tužiteljstva Bosne i Hercegovine, dodjeljuje se ponuđaču **C-Servis d.o.o. Sarajevo**.

Član 2.
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnom Konkurentskom zahtjevu za dostavu ponuda.
- (2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Zahtjevu.

Član 3.
(Stupanje na snagu)

Ova odluka stupa na snagu datumom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-336/20 od 02.09.2020. godine. Javna nabavka je provedena putem konkurentskog postupka. Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-1-231-3-17/20 od 04.09.2020. godine. Kriterij za dodjelu ugovora je ekonomski najpovoljnija ponuda.

Do krajnjeg roka za dostavu ponuda, na Protokol Tužilaštva – Tužiteljstva BiH zaprimljene su dvije uredno zapečaćene i neotvorene ponude ponuđača: C-Servis d.o.o. Sarajevo sa ponuđenom cijenom od 15.240,00 KM bez PDV-a, rokom isporuke od 25 dana i garancijom od 3 godine i Bosnien Business Systems d.o.o. Sarajevo sa ponuđenom cijenom od 15.375,00 KM, rokom isporuke od 30 dana i garancijom od 3 godine.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2020. godinu, broj: A-450/19 od 26.12.2019. godine i A-450-1/19 od 31.03.2020. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

- Ponuđač C-Servis d.o.o. Sarajevo, je u Obrascu za cijenu ponude, na mjestu predviđenom za unos roka garancije za navedenu opremu naveo dva roka garancije: 3 godine za računarsku opremu i 4 godine za printere. Kako ugovorni organ u sistemu „e-Nabavke“ nema mogućnost unosa dva roka garancije i kako se prilikom zakazivanja e-aukcije može unijeti samo podkriterij za predmet nabavke u cijelini, a ne za pojedinačne ponuđene stavke ponude, Komisija je u skladu sa preporukom Agencije za javne nabavke da se ugovorni organ obrati ponuđaču sa zahtjevom da pisanim objašnjenjem otkloni nedostatak ili nejasnoću koja se tiče spornog kriterija, ponuđaču dana 09.10.2020. godine, uputila Zahtjev za pojašnjenje broj: A-336/20. Ponuđač C-Servis d.o.o. Sarajevo je dana 09.10.2020. godine dostavio Odgovor na zahtjev za pojašnjenje broj: 201009-01/MJ, u kojem je potvrdio da je garantni rok za svu ponuđenu opremu u predmetnoj nabavci 36 mjeseci (3 godine).
- Analizom dostavljenih ponuda i poređenjem istih sa zahtjevima navedenim u Konkurentskom zahtjevu za nabavku računarske opreme za potrebe Tužilaštva – Tužiteljstva Bosne i Hercegovine, broj: A-336/20 od 02.09.2020. godine, utvrđeno je da su sve dostavljene ponude u potpunosti prihvatljive i zadovoljavaju uslove Konkurentskog zahtjeva i Tehničke specifikacije.

Konkurentskim zahtjevom predviđena je e-aukcija, koja je i provedena dana 19.10.2020. godine. Na e-aukciji nije bilo podnošenja novih ponuda, te je najpovoljniji ponuđač nakon završetka e-aukcije C-Servis d.o.o. Sarajevo, sa konačnom cijenom u iznosu od 15.240,00 KM bez PDV-a.

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine donošenje odluke o dodjeli ugovora ponuđaču C-Servis d.o.o. Sarajevo, čija ponuda u potpunosti ispunjava uslove za nabavku predmetnih roba.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva – Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.

**GLAVNI TUŽILAC
TUŽILAŠTVA – TUŽITELJSTVA BIH**


Gordana Tadić

Dostavljeno:

- Ponuđačima;
- Odjelu za mat.-fin. poslove.

Tužilaštvo - Tužiteljstvo Bosne i Hercegovine, ul. Kraljice Jelene br.88, Sarajevo;
Telefon: ++ 387 33 707 200; Fax ++ 387 33 707 463; e-mail: info@tuzilastvobih.gov.ba